

URRETXU-ZUMARRAGAKO KAPOI SARIKETAKO

A R A U D I A 2025

1.- KAPOIA

Sariketa honetarako, ebakuntza bidez bi barrabilak kendu zaizkion oilaskoa hartuko da kapoitzat (Faisaien adarreko *gallus gallus* motakoa).

Irenduta egongo denez, kapoiak kukur txikia izango du. **Kukurra ezingo da moztuta egon.** Ez du kukurrukurik joko, txistu moduko txiki bat baizik.

2.- ARRAZAK

2.1.- EUSKAL OILOA ARRAZAKO KAPOIAK:

Euskal oiloa arrazako kapoiak, MARRADUNAK, GORRIAK, LEPASOILAK, BELTZAK eta ZILARRAK izan daitezke. **Baserri bakoitzeko 3 kapoi pare aurkez daiteke** eta 12 hilabete baino gutxiagokoa izan beharko du.

Bikote onenak izendatu ahal izateko, kapoiaren, lumaren kolorea, distira, tamaina, itxura, eta arraza nahiz mota bakoitzaren ezaugarri bereziak hartuko dituzte kontuan epaimahaikideek irizpide nagusi gisa.

2.2.- KAPOI ARRUNTAK:

Kapoi hauetan ere **3 pare aurkeztu ahal izango dira**, eta 12 hilabete baino gutxiagokoa izan beharko du.

Bikote onenak izendatu ahal izateko, itxura eta haragitarako duten gaitasuna hartuko dituzte kontuan epaimahaikideek irizpide nagusi gisa.

Epaimahaiaren erabakia aldaezina izango da.

3.- SARIKETAKO EPAIMAHAIA

Sariketako epaimahaia Urretxu eta Zumarragako alkateek izendatuko dute zinegotzi arduradunen proposamenaren arabera, eta horretarako kontuan hartuko da gai honetan adituak diren erakunde publiko nahiz pribatu edo jakitunen iritzia.

Epaimahaikideak gutxienez bi teknikari izango dira, eta gehienez bost, guztiak gai honetan jakitunak.

Udalek izendatuko dituzten langileen laguntza jasoko du epaimahaiak.

Aldez aurretik jakingo da zein diren epaimahaikideak.

Epaimahaiaren erabakia aldaezina izango da.

Epaimahaiak hegaztiak kaiolatik atera eta ikuskatzeko ahalmena izango du.

Epaimahaiak, atalen batean edo atal guztietan, saria merezi duenik ez dagoela ebatziz gero, sari hori eman gabe utz dezake.

4.- SARIKETAKO BALDINTZAK

Urretxu-Zumarragako Santa Lutziko kapoi sariketan parte hartzeko, kapoizaleak kapoiak garbi eta txukun, osasunez ondo daudenak, eta 1. puntuari esandako baldintzak betetzen dituztenak aurkeztu beharko ditu. Lehiaketatik kanpo geratuko dira epaimahaikideen arabera gaixotasunen bat edo akaroak dituzten kapoiak.

Kapoizaleak aldeztu aurretik izena eman beharko du Urretxuko kultur etxean nahiz Zumarragako kultur etxean, **azaroaren 20ko** eguerdiko 12ak baino lehen; 943-03.80.88 edo 943-72.35.10 telefonoetara deituz ere egin daiteke.

Izena ematerakoan honako datuok ekarri beharko dira:

- Kapoizalearen izena, helbidea eta NA zenbakia.
- Kapoiak hazi diren baserriaren izena eta ustiaketa txartel zenbakia.
- Kontu zenbakia (20 digitu)

Kapoizaleak berak ekarri beharko ditu kapoi pareak, hegaztiak lekuz aldatzeko baimen txartelarekin batera, eta antolatzaileen aurrean aurkeztu abenduaren 13ko goizeko 7,30etatik 8,30etara bitartean, Kalebarren-Areizaga plazan.

Oharra: Hegaztiak lekuz aldatzeko baimen txartela aurkeztea ezinbestekoa da parte hartzeko.

Antolatzaileek ez dute bere gain hartuko sariketara ekarritako kapoien lapurretarik, ez kapoien min hartzerik, ez bestelakorik.

5.- SARIAK

5.1. Euskal oiloa arrazako kapoiak:

3 sari (gehienez) 175€koak.

Eskualdekoa* bada 100€ko gehigarri bat izango du.

5.2. Kapoi arruntak:

3 sari (gehienez) 150€koak.

Eskualdekoa* bada 100€ko gehigarri bat (*) izango du.

Sariekin batera garaikurra emango da.

Sariketan parte hartu baina saririk jaso ez duten gainerako pareengatik 35 euroko dieta (*) jasoko dute (beraiek emandako kontu zenbakian sartuko zaie dirua).

(*) PFEZren atxikipenari lotutako dieta (%19)

Sariak Kalebarren-Areizaga plazan banatuko dira, Santa Lutzi egunean bertan eguerdiko 1,30etan hasiko den ekitaldian.

Kapoizalea ez bada ageri sari banaketan, sariari uko egin diola ulertuko da.

Oharrak:

- Kapoi zaleak bere kapoiak saltzeko aukera du.
- Eskualdean* Legazpi, Zumarraga, Urretxu, Ezkio-Itsaso, Gabiria eta Ormaiztegi sartzen dira.
- Lehiaketa egiteko gutxienez 4 parte-hartzaile behar dira.